

ӨНДІРІСТІК ТӘЖІРИБЕ НЕСІМЕН ПАЙДАЛЫ?

Қара шаңырақ ҚазҰУ-да студенттер өндірістік тәжірибеден өтетіні рас. Оның қандай пайдасы және талаптары бар. Соған тоқталсақ. Өндірістік тәжірибенің қортындысына қарай жұмысқа орналасуға мүмкіндік береді. Біз соның ішінде «Фудмастер» компаниясының талаптарына келсек:

- 1.Технологиялық білім.
- 2.Excel-мен жұмыс жасай алу.
- 3.Сарптап ойлау қабілеті.
- 4.Ағылшын тілін білу.

Осындағы шет тіліне қатысты біраз мәлімет айта кетейік.

Қазіргі таңда әлемнің алпауыт мемлекеттері көп тілді, әсіресе халықаралық тілдерді меңгеруді маңызды міндет деп санайды. Сондықтан біз де өз халқымыздың қарыштап дамып, өркениеттен кенже қалмау үшін көп тілді меңгеруіміз қажет. Бұл заман талабынан туындап отырған қажеттілік. Себебі, бірнеше тілде еркін сөйлей де, жаза да білетін маман бәсекеге қабілетті тұлғаға айналатыны сөзсіз. Осы ретте, президентіміз Н.Ә.Назарбаевтың: «Қазір біз балаларымыз қазақ тілімен қатар орыс және ағылшын тілдерін де белсенді меңгеру үшін жағдай жасауға шаралар қабылдап жатырмыз. Үштілділік мемлекеттік деңгейде ынталандыры-

луы керек», – деген болатын 2012 жылы 14 желтоқсандағы Жолдауында.

«Біз барша қазақстандықтарды біріктірудің басты факторларының бірі – еліміздің мемлекеттік тілін, барлық қазақтардың ана тілін одан әрі дамытуға бар күш-жігерімізді жұмсауымыз керек», – деген болатын. Мейлінше, көп тілді меңгеру қажет, дегенмен өз ана тілімізді ешқашан ұмытпағанымыз жөн.

Бүгінде егеменді ел, тәуелсіз мемлекет болып әлемге жар салып жатқан дүбірлі кезеңде қазақ ұлтының жанына сүйеу, рухына тіреу болатын басты мәселенің бірі осы – тіл. Мемлекеттік тіл мәртебесіне ие болған қазақ тілі – ұлттық руханиятымыздың өзегі. Кез келген ұлттың басты ерекшелігі – оның ана тілінде. Ұлттың жаны мен жүрегі ары мен ұяты, қазына-байлығы мен атақ абыройы тілге байланысты. Жер бетіндегі сан мыңдаған ұлттардың ішінде тек қазақ халқы өз тілін ана тілі деп ардақ тұтып, қастерлейді. Қазақ үшін тілден құдіретті ештеңе болмаған.

**Хаят Шабирулла,
Белисарова Ф.Б.**

БОЙЫМДА БАР БІР ӨНЕР

әл-Фараби атындағы Қазақ Ұлттық Университетінің студент жастары өздерін жан-жақты қырларымен көрсетуден жалығар емес. Қайсыбір факультет болмасын өздерін өнерден де, білімнен де, тіпті, керемет ұйымдастырушылық қабілетімен де көрсетіп, өз ой-өрістерін дамыта түсуде. Солардың ішінде, біз физика-техникалық факультетінен болғандықтан, өз факультетіміз жайында, осы тұрғыда, біраз ақпарат айтып өтелік. Қазіргі бәсекелестік заманда адамға бір ғана мамандықты игеру аздық етеді. Осы тұрғыдан қарағанда біздің жастар қатты ойланса керек. Себебі, қазіргі студенттерге қарасаң, өнерлері бір төбе, мамандықтарына деген құлшынысы бір төбе деп айтуға әбден болады. Одан бөлек қоғамдық жұмыстарды да кеңінен игеретіндері баршылық. Соның ішінде университетімізде өтілетін ғылыми конференцияларға студенттердің белсене атсалысатынын айтпай кетпеске болмас. Тек өз оқу орнымызда ғана емес, қалалар арасында да бірнеше студенттеріміз ғылыми конференцияларға қатысып, жоғарғы орындарды иеленіп келетін жайлары бар. Енді факультет ішіндегі өмірге оралайық. Факультет өмірінде біздің жастар осыған дейін алған білімдерін нығайтып, шыңдап бос уақыттарында ғылыми үйірмелермен айналысуда. Бұл үйірмелер арқылы студенттеріміз бірнеше дөңгелек үстелдер ұйымдастырып, осы тақырып тұрғысында талқылап, соңғы жаңалықтарын айтып, осындай белсенділіктерімен бізді қуантып жатады.

Біздің жастар ертеңі ғой елімің,
Қорғанысы мына байтақ жерімнің.
Әлі-ақ даңқын көтереді биікке,
Алаш елі, қазақ дейтін тегінің!
Армандарды орындайды деп білем,
Міне, осы жасқа деген сенімім!

Қорыта келе, біз студент жастардың осылай өсіп келе жатқанына қуанамыз және мақтанамыз. Әрбірінің өз салаларында ойып аларлықтай орындарының барына мол сеніммен қараймыз. Бос уақыттарын қоғамдық жұмыстарға, одан қалса осындай үйірмелерге жұмсағаны өскелең ұрпақтың жеткен жетістіктерінің бастау деп білемін. Жастар-біздің болашағымыз екенін осылай дәлелдеумен келеді. Бұл, әрине, мақтануға тұрарлықтай жайт емеспе?!

Леваль Рахматулла, Белисарова Ф.Б.

ҚАРАПАЙЫМДЫЛЫҚ – СҰЛУЛЫҚТЫҢ БАСТЫ ШАРТЫ

Біздің осы мақаламызды оқыған адам, көңілге бір ой түйер деген мақсатта сіздерге жазуға асықтық. Себебі, қазіргі көптеген жағдайға байланысты ма, әлде өзге елдерге еліктеушіліктің басымдылығында ма, әйтеуір, елімізде тастанды балалар күн санап көбеюде. Бізді қуантатыны, сол бейкүнә, барар жері жоқ балалардың «Арнайы балалар үйінен» кішкене бір жылы төсекте иемденуі, яғни, далада қалмауы қуантады. Бірақ бәрібір жәуітеңдеген бала ана-әкені сағынбайды ма? Ойламайды ма? Жабырқап жыламайды ма? Ананың ыстық алақаны мен әкенің еркелеткен сөздерін естігісі келмейді ме? «Отбасы» деген ұғымды сезінгісі келмейді ме? Әрине, мұның бәрін қалайды емеспе. Сол балалар үйіне кіріп жатқанда терезеден мұңайып тұрған баланы көрдік, бізді көре сала қолын шапалақтап, жүгіріп ішке қарай жөнелді. Сол періштелерге қарап бұл жандарды тастайтын ата-ананың жүрегі неден жаралған? – деп ойланасың. Әттең, мұның бәрі біздің қолымызда болса, ешбір баланы жәуітеңдетіп далада қалдыртпас едік. Әрбір бала өзі армандағандай ыстық алақан, қамқор көңіл, мейірімі мол ана мен әкенің жанында өссе ғой шіркін...

Осы орайда біздің қара шаңырақ ҚазҰУ еркіттері тұрақты бірнеше іс шараларды ұйымдастырып келеді. Бұл өте керемет, үлгі аларлық іс деп білеміз.

Сөзімді қорытындылай келе, керемет мына өлең жолдарымен аяқтасам:

Аңсатқан жанды ақ арман,
Жас болып аққан жанардан.
Сәбидің бәрі бақытты,
Болуы үшін жаралған.

Мафтунзада Саид Абдул Латиф, Белисарова Ф.Б.

ӨЗІҢЕ СЕН, ӨЗІҢДІ АЛЫП ШЫҒАР

Сенбе жұртқа, тұрса да қанша мақтап,
Әуре етеді, ішіне қулық сақтап.
Өзіңе сен, өзіңді алып шығар,
Ақылық мен білімің екі жақтап.

Адам дүние есігін ашқан сәттен бастап, түрлі кезеңдерден өтеді. Әрине, бірінші балалық кез, тәтті шақ. Одан кейін жастық шақ. Ол кезде өмірдің қайнаған кезеңі болар. Себебі, бойыңда күш-жігер бар. Міне, біздің Қазақ Ұлттық Университетінің студенттері де осы жастық шақтың қызығында қазір. Бірақ біз оларға ол қызыққа ерімей, білім алып, еңбек ету керектігін үйретудеміз. Себебі, жастық шақ көзді ашып жұмғанша өтеді де шығады. Сол үшін, бұл уақытта өзіңе керектігінің барлығын үйреніп алған жөн. Өзің қай жақты қалайсың, кейінгі өмірің сол жаққа қарай бұрылары сөзсіз. Егер сен қызық қуып қыдырып жүрсең, кейін сол қыдырғаныңның жемісін жейсің, егер еңбек етіп, білім алып, өз ісіңмен айналыссаң ертеңгі күн сол еңбектің нанын жейсің. Сол үшін осы сәттен бастап ойланып, бір шешімге келген жөн. Міне, осыны біз шәкірттеріміздің миына құйып келеміз. Олардың жақсы болғаны бізге мақтаным, бізге қуаныш емеспе?! Сол үшін әрбір жасты осылай тәрбиелеуге тырысамыз.

Сөз соңын Абайдың әсерлі өлең жолымен аяқтасақ деймін,

Өзіңді сенгіштікпен әуре етпе,
Құмарпаз боп мақтаңды қуып кетпе.
Жұртпен бірге өзіңді қоса алдасып,
Салпылдап сағым қуған бойыңа еп пе?

Анарқулова Динара, Белисарова Ф.Б.

ОНЛАЙН ФОРМАТТАҒЫ ҚОРҒАУ

Коронавирустың таралу қаупін алдын алу шаралары аясында әл-Фараби атындағы ҚазҰУ-да онлайн форматта докторлық диссертациялар екінші рет қорғалған болатын. Осы тұста, онлайн форматтағы қорғаудың қалай өтілгенін сіздермен бөліспекпіз.

Әл-Фараби атындағы ҚазҰУ-дың экономика және бизнес жоғары мектебінің диссертациялық кеңесінде 27-28 мамыр аралығында философия докторы (PhD) дәрежесін алу үшін М.С. Бектурганованың «Приоритеты и экономические механизмы перехода к низкоуглеродному развитию нефтегазового сектора Казахстана» тақырыбында «экономика» мамандығы бойынша және А.К. Кожаметованың «Evaluation of high-tech project success in the Republic of Kazakhstan based on international standards of project management» тақырыбында «жобаларды басқару» мамандығы бойынша докторлық диссертацияларын қорғау мәжілісі онлайн форматта өтті.

Жұмыстар «менеджмент» кафедрасында және «Ғылым ордасы» ҚР БҒМ ҒК экономика институтымен бірлесе «экономика» кафедрасында дайындалған.

Әл-Фараби атындағы ҚазҰУ ЭЖБЖМ жанындағы диссертациялық кеңес шетелдік ғалымдардың қатысуымен «экономика», «әлемдік экономика», «инновациялық менеджмент», «логистика», «жобаларды басқару», «мемлекеттік және жергілікті басқару» мамандықтар тобы бойынша жұмыс жасайды.

Мырзабаева М., Имамбеков О.